



Broj: 05-02-1-2287/15
Sarajevo, 28.10.2014. godine

PARLAMENTARNA SKUPŠTINA BiH
- Zastupnički dom -
- Dom naroda -

SARAJEVO

BOSNA I HERCEGOVINA
PARLAMENTARNA SKUPŠTINA BIH
SARAJEVO

DOKUMENT NO:		28.10.2015	
Preporučena	Klasifikacija	Prilog	Drugi
Obična	Osobna	Drugi	Drugi
01.02.02-1-2287/15			


B

PREDMET: Prijedlog zakona o neradnim danima u vrijeme vjerskih blagdana u Bosni i Hercegovini

Vijeće ministara Bosne i Hercegovine, na 25. sjednici održanoj 29.9.2015. godine, utvrdilo je Prijedlog zakona o neradnim danima u vrijeme vjerskih blagdana u Bosni i Hercegovini, te zaključilo da se isti uputi Parlamentarnoj skupštini Bosne i Hercegovine uz prijedlog da se razmatra po temeljnom zakonodavnom postupku.

U svezi s navedenim, u prilogu dostavljamo Prijedlog zakona o neradnim danima u vrijeme vjerskih blagdana u Bosni i Hercegovini, na bosanskom, hrvatskom i srpskom jeziku, kao i elektronsku verziju Prijedloga zakona.

S poštovanjem,



Na osnovu člana IV 4. a) Ustava Bosne i Hercegovine, Parlamentarna skupština Bosne i Hercegovine, na sjednici Predstavničkog doma, održanoj godine, i sjednici Doma naroda, održanoj godine, usvojila je

**ZAKON
O NERADNIM DANIMA U VRIJEME VJERSKIH PRAZNIKA
U BOSNI I HERCEGOVINI**

**Član 1.
(Sadržaj Zakona)**

Ovim zakonom određuju se neradni dani u vrijeme vjerskih praznika u Bosni i Hercegovini za zaposlene u svim institucijama, organima, organizacijama, preduzećima i svim drugim oblicima organizovanja za obavljanje djelatnosti i usluga na teritoriji cijele Bosne i Hercegovine.

**Član 2.
(Neradni dani zaposlenih u vrijeme vjerskih praznika)**

(1) Neradni dani u Bosni i Hercegovini određuju se u vrijeme vjerskih praznika kako slijedi:

- a) za muslimane: dva dana za Ramazanski bajram, dva dana za Kurbanški bajram i jedan dan u toku godine prema ličnom izboru vjernika povodom rođenja poslanika Muhameda ili Nove hidžretske godine;
- b) za pripadnike katoličke vjere: jedan dan za Bogojavljenje, jedan dan za Tijelovo, jedan dan za Uznesenje Blažene Djevice Marije ili Veliku Gospu, jedan dan za Sve Svete i jedan dan za Božić;
- c) za pripadnike pravoslavne vjere: jedan dan za Božić, jedan dan za Svetog arhidakona Stjepana, jedan dan za Veliki petak, jedan dan za Vaskrs i jedan dan za Duhove;
- d) za pripadnike jevrejske vjere: jedan dan za Sukot, jedan dan za Šavuot, jedan dan za Pešah, jedan dan za Roš Hašana (Nova godina) i jedan dan za Jom Kipur (Dan pomirenja);
- e) za pripadnike ostalih vjera u Bosni i Hercegovini pet dana u godini za potrebe obilježavanja vjerskih praznika.

(2) Ukoliko neki od dana utvrđenih u stavu 1. ovog člana pada u nedjelju, neradni dan će biti i prvi naredni radni dan.

**Član 3.
(Naknada plata zaposlenih)**

U neradne dane utvrđene članom 2. ovog zakona zaposleni imaju pravo na naknadu plate – plaćeno odsustvo.

Član 4.

**(Neradni dani institucija, organa, organizacija,
preduzeća i drugih pravnih osoba)**

Ukoliko priroda djelatnosti, odnosno tehnologija procesa rada zahtijeva neprekidan rad, Vijeće ministara Bosne i Hercegovine, odnosno vlade entiteta i Brčko distrikta Bosne i Hercegovine ili drugi nivoi vlasti, u skladu sa svojim nadležnostima, mogu odrediti koje institucije, organi, organizacije, preduzeća i drugi oblici organizovanja za obavljanje djelatnosti i usluga su dužni raditi i u kojem obimu na dane praznika utvrđenim ovim zakonom.

Član 5.

(Usklađivanje drugih propisa s ovim zakonom)

Federacija Bosne i Hercegovine, Republika Srpska i Brčko distrikt Bosne i Hercegovine će uskladiti s ovim zakonom svoje propise o praznicima i neradnim danima kojima, prema svojim potrebama i specifičnostima, mogu utvrditi i druge datume kao neradne dane u entitetu, odnosno Brčko distriktu Bosne i Hercegovine i odrediti prava u vezi odsustvovanja s posla u te dane.

Član 6.

(Stupanje na snagu ovoga zakona)

Ovaj zakon stupa na snagu osmog dana od dana objavljivanja u „Službenom glasniku BiH“.

Broj _____
_____ godine
Sarajevo

**Predsjedavajući
Predstavničkog doma
Parlamentarne skupštine
Bosne i Hercegovine**

**Predsjedavajući
Doma naroda
Parlamentarne skupštine
Bosne i Hercegovine**

O B R A Z L O Ž E N J E

Zakona o neradnim danima u vrijeme vjerskih praznika u Bosni i Hercegovini

I USTAVNI OSNOV

Ustavni osnov za donošenje ovog zakona sadržan je u članu IV 4. a) Ustava Bosne i Hercegovine, prema kojem je Parlamentarna skupština Bosne i Hercegovine nadležna za donošenje zakona potrebnih za provođenje odluka Predsjedništva Bosne i Hercegovine, ili za vršenje funkcija Parlamentarne skupštine prema Ustavu Bosne i Hercegovine.

II RAZLOZI ZA DONOŠENJE ZAKONA

Od stupanja na snagu Ustava Bosne i Hercegovine, na nivou države Bosne i Hercegovine ne postoji, odnosno do sada nije donesen zakon o neradnim danima u vrijeme vjerskih praznika.

Takođe ni na nivou Federacije Bosne i Hercegovine nema, odnosno do sada nije donesen zakon o praznicima, ali je na snazi preuzeti Zakon o praznicima Socijalističke Federativne Republike Jugoslavije („Službeni list SFRJ“, broj 6/73).

U Republici Srpskoj na snazi je Zakon o praznicima Republike Srpske („Službeni glasnik Republike Srpske“, broj 43/07).

U Brčko distriktu Bosne i Hercegovine na snazi je Zakon o praznicima Brčko distrikta Bosne i Hercegovine („Službeni glasnik Brčko distrikta BiH“, broj 19/02).

Kako narodi i građani Bosne i Hercegovine prema religijskoj pripadnosti i tradiciji obilježavaju različite vjerske praznike, nameće se potreba da se i državnim zakonom priznaju navedene razlike, te da se najznačajniji praznici konfesija naroda i građana u Bosni i Hercegovini proglase neradnim danima u Bosni i Hercegovini. Uz to potpisani su i ratifikovani Osnovni ugovor između Bosne i Hercegovine i Svete Stolice s Dodatnim protokolom (objavljen u „Službenom glasniku - Međunarodni ugovori“, broj 10/07) i Osnovni ugovor između Bosne i Hercegovine i Srpske pravoslavne crkve (objavljen u „Službenom glasniku - Međunarodni ugovori“, broj 6/08). Ovim ugovorima preuzeta je obaveza da će se posebnim zakonom/zakonima Bosne i Hercegovine kao neradni dani urediti navedeni praznici/vjerski praznici za katolike odnosno pravoslavce u cijeloj zemlji.

Svi naprijed izneseni razlozi govore o potrebi donošenja Zakona o neradnim danima u vrijeme vjerskih praznika u Bosni i Hercegovini.

Pri provođenju konsultacija u vezi s ovim zakonom, a imajući u vidu i međunarodne ugovore koje je Bosna i Hercegovina potpisala sa Svetom Stolicom i Srpskom pravoslavnom crkvom, ukazala se potreba da se ovim zakonom propišu neradni dani za vrijeme najvažnijih vjerskih praznika svih vjerskih zajednica zastupljenih u Bosni i Hercegovini.

U tom smislu konsultovano je Međureligijsko vijeće u Bosni i Hercegovini koji je izrazilo svoj stav o vjerskim praznicima kao neradnim danima. Stav tog vijeća je bio da Katolička crkva u Bosni i Hercegovini nije kontaktirana, jer je to pitanje riješeno zaključenim Osnovnim ugovorom između Bosne i Hercegovine i Svete Stolice, a da su ostale vjerske zajednice predložile kako slijedi:

a) Rijaset Islamske zajednice za muslimane: dva dana za Ramazanski bajram, dva dana za Kurbanški bajram i jedan dan u toku godine prema ličnom izboru vjernika u povodu rođenja poslanika Muhameda ili Nove hidžretske godine;

b) Srpska pravoslavna crkva za svoje vjernike: jedan dan za Božić, jedan dan za Svetog arhiđakona Stefana, jedan dan za Veliki petak, jedan dan za Vaskrs i jedan dan za Duhove;

c) Jevrejska opština za svoje vjernike: jedan dan za Sukot, jedan dan za Šavuot, jedan dan za Pesah, jedan dan za Roš Hašana (Nova godina) i jedan dan za Jom Kipur (Dan pomirenja).

Za pripadnike ostalih vjera u Bosni i Hercegovini predviđeno je pet dana u godini za potrebe obilježavanja vjerskih praznika.

III OBRAZLOŽENJE PREDLOŽENIH PRAVNIH RJEŠENJA

Član 1.

Ovim članom zakona uređuje se da su predmet ovog zakona neradni dani u vrijeme vjerskih praznika na teritoriji cijele Bosne i Hercegovine.

Član 2.

Kao neradni dani na teritoriji cijele Bosne i Hercegovine obuhvaćeni su i najznačajniji vjerski praznici/svetkovine/blagdani pripadnika svih vjerskih zajednica zastupljenih u Bosni i Hercegovini. Ovim predloženim rješenjem stavljeni su u ravnopravan položaj pripadnici svih vjera u Bosni i Hercegovini, to jest da pripadnici svih konfesija zastupljenih u Bosni i Hercegovini kroz svoje vjerske zajednice imaju pravo na plaćeno odsustvo s rada u dane vjerskih praznika i to svi u trajanju od pet (5) dana u toku jedne kalendarske godine. Predloženo rješenje ne utiče na slobodu izbora pojedinaca da i korišćenjem dana godišnjeg odmora ili drugog slobodnog dana (plaćenog ili neplaćenog odsustva, a u skladu s propisima o radnim odnosima u institucijama Bosne i Hercegovine, entitetima i Brčko distriktu Bosne i Hercegovine), na poseban način obilježe i druge vlastite značajne vjerske datume.

Član 3.

Ovim članom predviđeno je da zaposleni imaju pravo na naknadu plate (plaćeno odsustvo) u dane kada ne rade u skladu s ovim zakonom.

Član 4.

Definisana je način na koji se može odrediti da institucije, organi, organizacije, preduzeća i drugi oblici organizovanja za obavljanje djelatnosti i usluga u Bosni i Hercegovini, u kojima su zaposleni vjernici, mogu raditi na dane vjerskih praznika utvrđenim članom 2. ovoga zakona i u kom obimu ukoliko priroda djelatnosti, odnosno tehnologija procesa rada zahtijeva neprekidan rad.

Član 5.

Ovim članom predviđeno je da entiteti i Brčko distrikt Bosne i Hercegovine trebaju uskladiti svoje zakone o praznicima i neradnim danima s ovim zakonom, s tim da im se ostavlja

moćnost da, prema svojim potrebama i specifičnostima, svojim zakonima mogu utvrditi i druge praznike na svojoj teritoriji.

Član 6.

Propisan je dan stupanja na snagu ovoga zakona, kao i objavljivanje istog u „Službenom glasniku BiH“.

IV FINANSIJSKA SREDSTVA ZA PROVOĐENJE ZAKONA

Za provođenje ovog zakona nisu potrebna nikakva dodatna i posebna finansijska sredstva.

MRV

MEĐURELIGIJSKO VIJEĆE U BOSNI I HERCEGOVINI
 MEЂUREЛИГИЈСКО ВИЈЕЋЕ У БОСНИ И ХЕРЦЕГОВИНИ
 Interreligious Council in Bosnia-Herzegovina

Ministarstvo civilnih poslova
 Bosna i Hercegovina

Sarajevo, 5. 2. 2009.

Br. 009-01/09

BOŠNA I HERCEGOVINA
 MINISTARSTVO CIVILNIH POSLOVA

Predmet: Izrada Zakona o blagdanima u BiH

24-02-2009	
07-02-1-48/09	07-02-1-48/09

Poštovani,

U skladu s Vašim dopisom u kojem nas molite da dostavimo mišljenje o blagdanima vjernika u BiH koje bismo voljeli da uđu u Zakon o blagdanima u BiH želimo Vas izvijestiti kako smo kontaktirali Islamsku zajednicu, Srpsku pravoslavnu crkvu i Jevrejsku zajednicu. Katoličku crkvu nismo kontaktirali jer je to pitanje, kako ste i sami napomenuli, riješeno potpisivanjem Ugovora između Svete Stolice i Bosne i Hercegovine.


Islamska zajednica za svoje vjernike predlaže sljedeće blagdane: dva dana Ramazanskog Bajrama, dva dana Kurban Bajrama i jedan dan za Hidžretsku godinu (Nova Godina).

Srpska pravoslavna crkve predlaže: Božić, prvi dan Vaskrsa (ponedjeljak), Duhovi, Bujogavljenje i Sv. Sava.

Blagdani za vjernike Jevrejske vjeroispovijesti su sljedeći: Pesah (dva dana), Jom Kipur (Dan pomirenja), Jom Hašoa (Dan holokausta) i Roš Hašana (Nova Godina).

Iskreno nas raduje što će svim vjernicima u Bosni i Hercegovini biti omogućeno da svoje najveće blagdane provode u krugu svoje obitelji. Zahvaljujemo se na ovoj mogućnosti i srdačno Vas pozdravljamo.

S poštovanjem,



 Božana Katava
 Koordinatorica ureda
 MRV BiH



MRV

MEĐURELIGIJSKO VIJEĆE U BOSNI I HERCEGOVINI
MEĐURELIGIJSKO VIJEĆE У БОСНИ И ХЕРЦЕГОВИНИ
Interreligious Council in Bosnia-Herzegovina

Бр. 56-04/14
Сарајево, 9. 4. 2014.





Министарство цивилних послова
Господин Златко Хорват, секретар министарства

Поштовани господине Хорват,

Безањо за Ваш допис бр. 07-02-2-526-СЛБ/10 прослеђујемо Вам допис Ријасета Исламске заједнице у БиХ а по питању израде нацрта Закона о нерадним данима за вријеме вјерских празника у Босни и Херцеговини.

С поштовањем,


Оливера Јовановић
Извршни секретар МРВ БиХ




بِسْمِ اللَّهِ الرَّحْمَنِ الرَّحِيمِ

ISLAMSKA ZAJEDNICA U BOSNI I HERCEGOVINI
RIJASET

Broj: 03-03-1-515/14

Datum, 06. mart 2014. Godine



MEĐURELIGIJSKO VIJEĆE U BOSNI I HERCEGOVINI

PREDMET: Informacija – Nacr. Zakona o neradnim danima za vrijeme vjerskih blagdana

Poštovani,

Na traženje Ministarstva civilnih poslova Bosne i Hercegovine, a u kontekstu nastojanja da se donese Zakon o neradnim danima za vrijeme vjerskih blagdana, Islamska zajednica u Bosni i Hercegovini je zauzela svoje stavove prilikom pregovaranja sa državom radi potpisivanja osnovnog sporazuma između Bosne i Hercegovine i Islamske zajednice.

U prijedlogu sporazuma koji je usaglašen i čije potpisivanje se očekuje u narednom periodu utvrđeno je sljedeće:

„Posebnim zakonom Bosne i Hercegovine, kao neradni dani za muslimane u cijeloj zemlji, uređit će se:

- dva dana Ramazanskog bajrama,
- dva dana Kurban-bajrama,
- jedan dan u toku godine prema ličnom izboru vjernika u povodu rođendana poslanika Muhameda a.s. (12. rebiul-evvel) ili Nave hidžretske godine.“

Za ove muslimanske blagdane je Islamska zajednica opredjeljena da se reguliraju kao neradni dani na navedeni način.

Što se tiče izraza koji će se koristiti prilikom pripremanja zakona smatramo da se treba koristiti izraz „vjera“, a ne „vjeroispovijest“, a za pripadnike islamske vjere „muslimani“.

S poštovanjem!

Dostavljeno:

- ☉ Naslovu
- a/a



Islamska zajednica u Bosni i Hercegovini · RIJASET

Adresa: Zelenih berača 17, 71000 Sarajevo, Bosna i Hercegovina *Tel (centrala): **387 (33) 533-000, 664-493
533-172, 532-255 · Fax: **387 (33) 441-800 · Transakcijski račun: 1602005500015065 kod Vakufske banke d.d. Sarajevo
www.rijaset.ba

MRV

MEĐURELIGIJSKO VIJEĆE U BOSNI I HERCEGOVINI
MEĐURELIGIJSKO VIJEĆE U BOSNI I HERCEGOVINI
Interreligious Council in Bosnia-Herzegovina

БОСНА И ХЕРЦЕГОВИНА
МИНИСТАРСТВО ЦИВИЛНИХ ПОСЛОВА
САРАЈЕВО

07-02-2-526

Организација	Број документа	Број пријаве	Број пријаве
Црква	07-02-2-526	5207	

Бр 72-04/14
Сарајево, 20.04.2014.

Босна и Херцеговина
Министарство цивилних послова
Господин Златко Хорват, секретар Министарства

Предмет: Израда нацрта Закона о нерадним данима за вријеме вјерских празника


Поштовани,

На основу Вашег дописа број 07-02-2-526-ЦЛБ/10 обавјештавамо Вас да је МРВ БиХ 2010. године доставило Министарству цивилних послова приједлоге црква и вјерских заједница. Такође је Вијеће Вашем Министарству прослиједило допис који је стигао из Ријасета Исламске заједнице у БиХ бр 03-03-1-515/14. од 6. марта 2014. године а на основу Вашег акта број 07-02-2-526-СЛБ/10 од 20.02.2014. године.

Што се тиче Српске православне цркве, на приједлог члана Скупштине МРВ БиХ, епископа захумско – херцеговачког и приморског Г. Григорија а после Вашег дописа од 8.4.2014. године, у прилогу Вам достављамо допис из 2010. године тадашњег члана Скупштине МРВ БиХ у име СПЦ, (исти допис је достављен 2010. године Вашем министарству) а који износи став СПЦ по питању вјерских празника. У случају да дође до неких измјена у осталим заједницама доставићемо Вам податке.


Што се тиче самог израза који ће се користити приликом израде Закона сви чланови Скупштине су се на 70. сједници Скупштине усагласили да се користи израз вјера а не вјероисповијест.

Споштовањем,


Оливера Јовановић
Стручна савјетница



**ПРАВОСЛАВНИ ЕПИСКОП
ЕПАРХИЈЕ ЗВОРНИЧКО-ТУЗЛАНСКЕ
Б.Бр.241-2 од 31. маја 2010. године
У Бијељини**



**БОСНА И ХЕРЦЕГОВИНА
-МЕБУРЕЛИГИЈСКОМ ВИЈЕЋУ-
САРАЈЕВО**

Министарства за дивљине послове Босне и Херцеговине, обратило се на вашу адресу са молбом да им се достави званичан приједлог о нерадним данима за вријеме најзначајнијих вјерских празника како би се могао усвојити Закон о празницима Босне и Херцеговине. У вези са траженим, ми смо затражили од свих епископа у Босни и Херцеговини да пошаљу свој приједлог, како би усагласили заједнички став по овом питању.

Наш заједнички приједлог празника за вјернике православне вјероисповијести је следећи: Божић (ако падне у недјељу да се пренесе на први нерадни дан), св. архиђакон Стефан, Велики петак, Васкрс (други дан будући да је први дан недјеља), Духова (други дан будући да је први дан недјеља).

Достављајући вам наш приједлог, молимо вас да исти упутити наведеном Министарству на даљи поступак, и евентуално усвајање.

С Божијим благословом,



**Е П И С К О П
ЗВОРНИЧКО-ТУЗЛАНСКИ**

[Handwritten signature]

MRV

БОСНА И ХЕРЦЕГОВИНА
МЕЂУРЕЛИГИЈСКО ВЈЕЋЕ У БОСНИ И ХЕРЦЕГОВИНИ
МЕЂУРЕЛИГИЈСКО ВЈЕЋЕ У БОСНИ И ХЕРЦЕГОВИНИ
Interreligious Council in Bosnia-Herzegovina

САРАЈЕВО

ПРИМЉЕНО:			
Организациона јединица	Класификациона ознака	Редни број	Број прилога
07	07-11-5	16	10

Бр:080-05/14
Сарајево, 09.05.2014.

Босна и Херцеговина
Министарство цивилних послова
Господин Златко Хорват, секретар Министарства

Предмет: Израда нацрта Закона о нерадним данима за вријеме вјерских празника.

Поштовани,

На основу Вашег дописа број 07-02-2-526-СЛВ/10 од 30. 04. 2014. године у прилогу Вам достављам допис из Јеврејске заједнице БиХ од 09. 03. 2014. године.

Такође Вас обавјештавамо да се припадници јеврејске вјере називају Јеврејима.

С поштовањем,


Оливера Јовановић
Стручна савјетница

Jevrejska opština
Sarajevo



Jewish Community
Sarajevo

Jevrejska opština Sarajevo, Hamdije Kriševljakovića 59. phone/fax: + 387/33 22 96 66. + 387/33 22 96 67.
URL: <http://www.bensvolentjo.ba.org>
E-mail: to_beno@open.net.ba

MEDURELIGIJSKO VIJEĆE U BIH
FERHADIJA broj 16
71000 SARAJEVO

MEDURELIGIJSKO VIJEĆE BOSNE I
HERCEGOVINE

9.03.2010 30-3/09
datum broj

PREDMET: Zakon o praznicima

Poštovani,

vezano za dopis Ministarstva civilnih poslova Bosne i Hercegovine, a koji se odnosi na predložene neradne dane za vrijeme vjerskih praznika, obavještavamo Vas da je za pripadnike Jevrejskog naroda potrebno za neradne dane proglasiti sljedeće vjerske praznike, i to:

- Sukot
- Šavuot
- Pesah
- Roš Hašana i
- Jom Kipur

S poštovanjem.

Sarajevo, 09.03.2010. godine



PREDSJEDNIK

Boris Kozemjakin



РЕПУБЛИКА СРПСКА
ВЛАДА
МИНИСТАРСТВО УПРАВЕ И ЛОКАЛНЕ САМОУПРАВЕ

Трг Републике Српске 1, Б. Лука, тел: 051/339-631 Факс: 051/338-871, www.vladars.net, E-mail: muls@muls.vladars.net

Број: 10.2-020-2021/14
Датум: 29.07.2014. године

БОСНА И ХЕРЦЕГОВИНА
ВИЈЕЋЕ МИНИСТРА
МИНИСТАРСТВО ЦИВИЛНИХ ПОСЛОВА

0-1-08-2014
07-02-2-526/10

ПРЕДМЕТ: Мишљење на нацрт Закона о нерадним данима у вријеме вјерских празника у Босни и Херцеговини, доставља се

Министарство управе и локалне самоуправе је дана 08.10.2013. године дало мишљење на приједлог Закона о нерадним данима у вријеме вјерских празника у Босни и Херцеговини, који је достављен од стране Канцеларије за рад посланика и делегата из Републике Српске у Парламентарној скупштини Босне и Херцеговине. Вашим актом број 07-02-2-526-СЛВ/10, од 22.17.2014. године, затражили сте мишљење на нацрт Закона о нерадним данима у вријеме вјерских празника у Босни и Херцеговини, за који смо, након разматрања утврдили да има текст идентичног садржаја са раније достављеним законом.

У првом реду скрећемо пажњу на одредбе члана III Устава Босне и Херцеговине, којим су прописане надлежности и односи између институција Босне и Херцеговине и ентитета, при чему уређење предметне материје није дато у надлежност Босне и Херцеговине, те је сходно томе Република Српска, у складу са својим уставним надлежностима, донијела Закон о празницима Републике Српске, којим су прописани републички и вјерски празници који се обиљежавају у Републици Српској.

Обиљежавање 9. јанура (Светог првомученика и архиђакона Стефана) као вјерског празника за припаднике православне вјероисповјести, како је то предвиђено предложеним нацртом закона, није прихватљиво за Републику Српску, с обзиром да је исти датум Законом о празницима Републике Српске („Службени гласник Републике Српске“ број 43/07) утврђен као републички празник - Дан Републике, односно као дан доношења Устава Републике Српске и као такав не доводи се у везу искључиво са српским народом, односно припадницима православне вјероисповјести, већ је то празник свих грађана Републике Српске.

С поштовањем,

МИНИСТАР

Лејла Решић

Broj: 03-02/1-1872/14
Sarajevo, 30.07.2014.godine

BOSNA I HERCEGOVINA
MINISTARSTVO CIVILNIH POSLOVA
Trg Bosne i Hercegovine br. 1

SARAJEVO

Predmet: Mišljenje na Nacrt zakona o neradnim danima u vrijeme vjerskih praznika u BiH – d o s t a v l j a s e

Veza: Vaš akt.broj: 07-02-2-526-СЛВ/10

Poštovani,

Nakon razmatranja dostavljenog teksta Nacrta zakona o neradnim danima u vrijeme vjerskih praznika u Bosni i Hercegovini generalnog smo mišljenja da Zakon treba podržati, te da su opravdani svi razlozi za njegovo donošenje.

Međutim, treba imati u vidu da su u Federaciji Bosni i Hercegovini trenutno na snazi iz ranijeg sistema preuzeti propisi o državnim praznicima, ali da nema propisa koji regulira zadovoljavanje vjerskih potreba uposlenih osim članka 47. stavak 2. Zakona o radu ("Službene novine Federacije BiH", br: 43/99, 32/00 i 29/03) koji propisuje da je izuzetno poslodavac obavezan omogućiti uposleniku dopust do četiri radna dana u jednoj kalendarskoj godini glede zadovoljavanja njegovih vjerskih odnosno tradicijskih potreba, s tim da se dopust od dva dana koristi uz naknadu plaće-plaćeni dopust.

Obzirom da se tekstom Nacrta nigdje ne upućuje na odnos ovog propisa sa važećim entitetskim propisima iz radnih odnosa nego samo predviđa usklađivanje sa zakonima o praznicima (kojeg Federacija BiH u navedenom smislu i nema), postoji mogućnost da će to izazvati nejasnoće u primjeni. Shodno navedenom, smatramo opravdanim preciznije i jasnije urediti usklađivanje odnosno odnos drugih propisa sa ovim Zakonom.

MINISTAR
Vjekoslav Čamber

Bosna i Hercegovina
BRČKO DISTRIKT
BOSNE I HERCEGOVINE
GRADONAČELNIK



Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
ГРАДОНАЧЕЛНИК

Trg Roberta u B. Owens 76100 Brčko, distrikt Bosne i Hercegovine, Telefon: +387 49 490 013, Faks: +387 49 490 020.
Трг Роберта Б. Овена 76100 Брчко, дистрикт Босне и Херцеговине, Телефон: +387 49 490 013, Факс: +387 49 490 020.

Broj predmeta: 02-000266/14
Broj akta: 01.1-0100DA-06/14
Datum, 13.11.2014. godine
Mjesto, Brčko

MINISTARSTVO CIVILNIH POSLOVA
BOSNE I HERCEGOVINE
Trg Bosne i Hercegovine 1.
SARAJEVO

07 - 03 - 5 - 507
110

Predmet: Nacrt Zakona o neradnim danima za vrijeme vjerskih blagdana

Poštovani,

Na Vaš zahtjev, Vlada Brčko distrikta BiH je u cilju zauzimanja stava o Nacrtu Zakona o neradnim danima za vrijeme vjerskih blagdana, isti razmatrala na svojoj 68. sjednici i konstatovala da se ponuđeni nacrt zakona u Brčko distriktu BiH ne bi mogao implementirati bez posljedica po radne procese u institucijama Brčko distrikta BiH obzirom na način korištenja i broj neradnih dana.

S tim u vezi, Vlada Brčko distrikta BiH nije zauzimala konačno opredjeljenje u vezi sa predmetnim nacrtom zakona.

S poštovanjem,

GRADONAČELNIK
Dr. Anto Domic



13-07-2015

Broj: 01-02-1-396/15
Sarajevo, 09.07.2015. godine.
(ZB)

BOSNA I HERCEGOVINA
MINISTARSTVO CIVILNIH POSLOVA
SARAJEVO

PREDMET: Mišljenje o Nacrtu Zakona o neradnim danima u vrijeme vjerskih
praznika u Bosni i Hercegovini

Ured za zakonodavstvo Vijeća ministara Bosne i Hercegovine, razmotrio je **Nacrt Zakona o neradnim danima u vrijeme vjerskih praznika u Bosni i Hercegovini** i na osnovu člana 25. stav 1. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), daje

MIŠLJENJE

Ustavni osnov za donošenje predmetnog Zakona sadržan je u članu II 3.g) Ustava Bosne i Hercegovine, prema kojem sva lica na teritoriji Bosne i Hercegovine uživaju ljudska prava i slobode iz stava 2. ovog člana, što uključuje i slobodu misli, savjesti i vjere, kao i članu IV 4.a) Ustava Bosne i Hercegovine, prema kojem je Parlamentarna skupština Bosne i Hercegovine nadležna za donošenje zakona potrebnih za provođenje odluka Predsjedništva Bosne i Hercegovine ili za vršenje funkcija Parlamentarne skupštine prema Ustavu Bosne i Hercegovine.

Prema naprijed navedenom, potrebno je da se u obrazloženju nacrta zakona ustavni osnov za donošenje, uskladi sa ustavnim osnovom datim u ovom mišljenju.

Predmetnim Zakonom utvrđuju se neradni dani u vrijeme vjerskih praznika u Bosni i Hercegovini i primjenjuju se na sve zaposlene u Bosni i Hercegovini. Propisano je po pet neradnih dana za muslimane, za pripadnike katoličke vjere, za pripadnike pravoslavne vjere, za pripadnike jevrejske vjere i za pripadnike ostalih vjera, koji se računaju kao plaćeni radni dani.

Uz dostavljeni tekst zakona, dostavljena su i mišljenja nadležnih organa entiteta, kao i dopisi Međureligijskog vijeća u Bosni i Hercegovini sa aktima religijskih zajednica, s tim što katolička crkva nije kontaktirana jer je to pitanje riješeno Osnovnim ugovorom između Bosne i Hercegovine i Svete Stolice i Dodatnog protokola na Osnovni ugovor („Službeni glasnik BiH“, broj 10/07).

Na dostavljeni tekst Nacrta Zakona o neradnim danima u vrijeme vjerskih praznika u Bosni i Hercegovini, Ured za zakonodavstvo daje sljedeće sugestije:

- u preambuli, u uvodnom dijelu, uraditi određene korekcije, tako da preambula glasi:
„Na osnovu člana IV 4.a) Ustava Bosne i Hercegovine, ...“;
- u članu 2. upotrebu brojeva, primijeniti na način kako je to propisano članom 45. Jedinštvenih pravila za izradu pravnih propisa u institucijama Bosne i Hercegovine („Službeni glasnik BiH“, br. 11/05, 58/14 i 60/14);
- u članu 5. stavom (2) propisano je da se određene odredbe Zakona o radu u institucijama Bosne i Hercegovine („Službeni glasnik BiH“, br. 26/04, 7/05, 48/05, 60/10 i 32/13) usklade sa predmetnim zakonom, ali imajući u vidu da je Zakon o radu u institucijama Bosne i Hercegovine sistemski zakon (lex generalis), a predmetni zakon je posebni zakon (lex specialis), ukazujemo da se sistemski zakon nemože usklađivati sa posebnim zakonom, već se usklađivanje može raditi samo na način da se posebni zakoni usklađuju sa sistemskim zakonima.

Takođe, Ured za zakonodavstvo ukazuje da se o tekstu nacrtu zakona pribave mišljenja Ministarstva pravde Bosne i Hercegovine i Ministarstva finansija i trezora Bosne i Hercegovine.



DIREKTOR
 Dragan Podinic

BOSNA I HERCEGOVINA
MINISTARSTVO FINANCIJA/
FINANSIJA I TREZORA



БОСНА И ХЕРЦЕГОВИНА
МИНИСТАРСТВО ФИНАНСИЈА
И ТРЕЗОРА

07/15
1003

21-07-2015

BOSNIA AND HERZEGOVINA
MINISTRY OF FINANCE
AND TREASURY

Broj: 08-02-1-5577-2/15
Sarajevo, 13.7.2015. godine



БОСНА И ХЕРЦЕГОВИНА
МИНИСТАРСТВО ЦИВИЛНИХ ПОСЛОВА
САРАЈЕВО

BOSNA I HERCEGOVINA
MINISTARSTVO CIVILNIH POSLOVA
SARAJEVO

ПРИМЉЕНО:			
Организациона јединица	Хласички знак	Радни број	Број прилога
07-	02-11-	526/10	

Fredmet: Mišljenje na Nacrt zakona o neradnim danima u vrijeme vjerskih praznika u Bosni i Hercegovini, dostavlja se

Veza: vaš akt broj 07-02-2-526-3-SVV/10 od 29.6.2015. godine

Vezano uz vaš dopis, broj i datum navedeni u vezi, a kojim se traži mišljenje na Nacrt zakona o neradnim danima u vrijeme vjerskih praznika u Bosni i Hercegovini, u skladu s člankom 31. pod e) Poslovnika o radu Vijeća ministara Bosne i Hercegovine („Službeni glasnik BiH“, broj 22/03), dajemo

MISLJENJE

1. Predmetnim se zakonom određuju neradni dani u vrijeme vjerskih praznika u Bosni i Hercegovini za zaposlene u svim institucijama, tijelima, organizacijama, poduzećima i svim drugim oblicima organiziranja za obavljanje djelatnosti i usluga na teritoriji cijele Bosne i Hercegovine.
2. Ministarstvo financija i trezora Bosne i Hercegovine razmotrilo je predmetni zakon i obrazloženje dostavljeno u prilogu akta navedenog u vezi, gdje je obrađen ustavni temelj, razlozi za donošenje zakona, obrazloženje predloženih pravnih rješenja te pod IV. – *Financijska sredstva za provedbu zakona, gdje je navedeno da za provedbu ovog zakona nisu potrebna nikakva dodatna i posebna financijska sredstva.*
3. Na temelju konstatiranog u točki 2. ovog mišljenja, Ministarstvo financija i trezora Bosne i Hercegovine daje pozitivno mišljenje isključivo na finansijski aspekt Nacrta zakona o neradnim danima u vrijeme vjerskih praznika u Bosni i Hercegovini.

S poštovanjem,



Broj: 09-02-4-6683/15
Sarajevo, 15.07.2015. godine

BOSNA I HERCEGOVINA
MINISTARSTVO CIVILNIH POSLOVA
Trg Bosne i Hercegovine broj 1
71 000 SARAJEVO

БОСНА И ХЕРЦЕГОВИНА
МИНИСТАРСТВО ЦИВИЛНИХ ПОСЛОВА
САРАЈЕВО

ПРИМЉЕНО: 27-07-2015			
Организациона Јединица	Класификациона Одлага	Радни Број	Број прилога
09-02-		2-	526

Predmet: Mišljenje na Nacrt zakona o neradnim danima u vrijeme vjerskih praznika u Bosni i Hercegovini, dostavlja se

Veza: Vaš akt broj: 07-02-2-526-2-SVV/10 od 29.06.2015. godine


Ministarstvo pravde Bosne i Hercegovine je razmotrilo Nacrt zakona o neradnim danima u vrijeme vjerskih praznika u BiH (u daljnjem tekstu: Nacrt zakona), koji je predložilo Ministarstvo civilnih poslova Bosne i Hercegovine, u pogledu sankcija, organizacije i funkcioniranja organa uprave i temeljem članka 31. stavak 1. točka b) Poslovnika o radu Vijeća ministara Bosne i Hercegovine¹, daje sljedeće

MIŠLJENJE

Predlažemo da članak 5. stavak (2) Nacrta zakona brišete, obzirom da je Zakon o radu u institucijama Bosne i Hercegovine² sistemski zakon, *lex generalis*, a predmetni Nacrt zakona posebni zakon, *lex specialis*. Sistemski zakon se ne može usklađivati sa posebnim zakonom, već se usklađivanje može izvršiti samo na način da se posebni zakoni usklađuju sa sistemskim zakonima.

Na ostali tekst Nacrta zakona Ministarstvo pravde Bosne i Hercegovine nema primjedbi.

S poštovanjem,



Dostaviti:

- Naslovju;
- a/a.

¹ (a) Službeni glasnik BiH, broj 22/03)

² ("Službeni glasnik BiH", br. 26/04, 7/05, 48/05, 60/10 i 32/13)